

E whakamārama ana tēnei pukameka i te pūnaha ture taihara, me ngā tautoko ka taea e koe te tono hei āwhina māu mēnā he pārurenga koe o tētahi taihara.

He uaua, ahotea tino nui, ā, he āhuatanga ngaukino hoki te noho hei pārurenga o te mahi taihara. Kei ia tangata tō rātou ake ara e tau ai te wairua. E wātea ana ngā tautoko māu ki te whakarite i ngā pānga whaitake, aurongo hoki o te taihara i ia piko o te ara hātepe manatika taihara, me te wā ā muri mai hoki.

Tirohia hoki te mutunga o te pukameka nei mō ngā tāngata whakapā matua anō, me ētahi o ngā kupu ka rangona i te kōti.

Ngā motika o te pārurenga

E whai motika ana koe kia whakamōhiohia koe mō ngā ratonga hei āwhina i a koe, kia whakamōhiohia hoki koe mō te kēhi i roto i te kōti me te mōhio anō ki ngā mea ka pā mai ina haere koe ki te kōti.

E whai tika ana koe ki te kōrero atu ki te kōti mō te pānga mai o te taihara ki a koe. Mēnā ko koe te pārurenga o tētahi taihara nā te tamaiti, taiohi rānei, e whai tika ana koe ki te haere ki tētahi hui rōpū ā-whānau me te tuku kōrero anō mō ngā mea e hiahia ana koe kia puta.

I ētahi kēhi, e whai mōtika ana koe, tō māngai rānei, ki te kōrero mō ngā mea pēnei i te pēhanga ingoa, te utu here, te whakarautanga kāinga, te tukuhere rānei.

Ko te tikanga ka hūmārika, ka aroha, ka whakaute hoki ngā āpiha kōti, ngā pirihihana me ētahi atu i roto i te kēhi. E whai mōtika ana koe ki te tūmataitinga.

Kei te Tikanga Pārurenga ētahi atu kōrero e hāngai ana ki ō motika me ngā whakaritenga e tūmanakotia ana mōu. Kia whai mōhiotanga anō, tirohia victimsinfo.govt.nz

Mēnā ki ō whakaaro kāore i tutuki ō motika, kāore rānei i pai ngā ratonga ki tāu i tūmanako ai, e oti i a koe te tuku amuamu. Tirohia victimsinfo.govt.nz waea atu rānei ki te Waea Mōhiohia Pārurenga ki 0800 650 654.

Te whakamōhio atu i tētahi toihara

I tētahi ohotata, mātua waea atu ki 111 me te tono mō ngā Pirihihana.

Ki te kore he ohotata, e oti i a koe te waea atu ki 105, te toroa atu rānei tō whare pirihihana ki tō takiwā. Ka taea e koe te heri kaitautoko i tō taha, e oti rānei te uia atu a Manaaki Tāngata kia tūtaki ki a koe (Manaaki Tāngata 0800 842 846).

Ka tuhia tāu e kīia ai e te pirihihana. Ā muri mai, ka tuku reta, he puka aumihitanga amuamu rānei me tētahi nama tohutoro. Manaakitia te pepa rā me tana nama tohutoro – me whakamahi ā tōnā wā mō te whai mōhiohia mō tō kēhi, me ngā mea anō pēnei i te inihua.

Ka whakatūtakitia koutou ko Manaaki Tāngata, ko tētahi tari tautoko rānei e ngā Pirihihana hei āwhina i a koe.

Ka aro ngā Pirihihana ki tō noho haumaruru, me te haumarutanga o tō whānau hoki. He rerekē ā rātou ara kei te āhua tonu o te momo taihara e pūrongotia – e oti i a te āpiha whakahaere i tō kēhi te whakamārama ake ki a koe. Mea atu ki a ia me he māharahara ōu.

Waea atu ki te Waea Mōhiohia Pārurenga ki 0800 650 654 ki te rapu mōhiohia e pā ana ki ētahi atu rauemi me ngā tari tautoko i tō takiwā.

Te whakatewhatewhanga

Ka kōrero ngā Pirihihana ki a koe me ētahi atu e mōhio ana ki tētahi āhuatanga e pā ana ki te taihara. Tērā pea ka whakaahuatia hoki e rātou, ka heria atu he moka rānei hei taunakitanga kia āwhinatia te kēhi. Mēnā he rahi ngā taunakitanga a ngā Pirihihana, ka hopukina ā-ture te tangata me te whakapā hē i a ia ki tētahi taihara.

TE UTU HERE (BAIL)

Ina hopukina tētahi, tērā pea ka tukuna ia kia haere kia tae rawa ki te wā e tū ai ki te kōti. E kīia tēnei te utu here, te peira rānei. I ētahi wā, kei reira pea ngā here mō te wāhi noho o te tangata, tāna whakapā atu ki a koe, me te rāhui haere pō. Mēnā ka whakaaro ngā Pirihimana ka raru koe, ētahi atu i te hapori rānei ka mauherehia te tangata tae rā anō ki te haerenga ki te kōti, i reira ka taea e ia te tonu utu here anō.

TE RĒHITA WHAKAMŌHIO PĀRURENGA

Ka riro i a koe te ara kia whakaputa kōrero e hāngai ana ki te whakarere o te tangata kua tukuhere (tirohia hoki “Ka taea e koe te kōrero atu ki te Poari Tukuhere mō ō whakaaro mō te tukunga” ki te mutunga o te puka nei).

Kei a koe te tikanga ki te whakauru atu ki Te Rēhita Whakamōhio Pārurenga kia noho mōhio haere koe mō ngā pānga ki te tangata hara ā muri i te whakawhiu. Mēnā e hiahia ana koe, ka taea te kōwhiri tētahi tangata ki te whiwhi i ēnei kōrero mōu. Ka noho matatapu ngā taipitopito mōu.

Kia kitea rānei mēnā kei te tika ō taipitopito whakapā ki te rēhita, me whakapā atu ki ngā pirihimana, ki Te Ara Poutama o Aotearoa, ki tō tari tautoko rānei. Kia mōhio ake, tirohia victimsinfo.govt.nz

Me tiro e te kaiwhakawā ngā mea maha i a ia e whakawhiu ana i te tangata hara, pēnei i ngā whakawhiunga kua tukuna mō ngā taihara ōrite, ngā pūrongo e pā ana ki te tangata hara, me ngā tauākī pārurenga.

TE TAUĀKĪ PĀRURENGA

Me he pārurenga koe o tētahi taihara, ka pātaihia koe mēnā he tōmina tōu kia tuku tauākī pārurenga. E whakamārama ana tēnei i te pānga o te taihara ki a koe. Ka taea e te pirihimana whakahaere i tō kēhi, e Manaaki Tāngata, e tētahi atu pokapū rānei te āwhinatia koe ki te tuhi i tēnei tauākītanga. Tirohia hoki “Te whakataunga me te whakawhiu” i te pukameka nei.

Tautoko

Ka taea e koe te tiki tautoko mō te wā e whakatewhatewhangia ai tō kēhi. Kia kimihia tautoko mō ngā mea pēnei i te aurongo, ngā mea o ia rā (pēnei i te whai mōhio ki te inihua) rānei, waea atu ki

Manaaki Tāngata ki 0800 842 846. Waea atu ki te Waea Mōhiohio Pārurenga ki 0800 650 654 ki te rapu mōhiohio mō ērā atu tari tautoko i tō takiwā.

E oti pea i a koe te riro tautoko nō Te Kaporeihana Āwhina Hunga Whara (ACC) – waea atu te Nama Waea Āwhina a ACC ki 0800 101 996. Mō ngā kerēme e hāngai ana ki te taitōkai, tēnā waea atu ki te Nama Waea mō ngā Kerēme Pāwera ki 0800 735 566.

TE TAIHARA TAIOHI

Mēnā nā tētahi taiohi i raro i te pakeke 17 tau te taihara, ka whakaritea te take mā te hātepe ture taiohi. He wāhanga nui ngā pārurenga i roto i tēnei hātepe, ā, e whai motika ana koe ki te haere ki tētahi hui rōpū ā-whānau.

Mā tētahi kaiarahi whānau nō Oranga Tamariki koe e whakapā atu.

HE TAUTOKO Ā-PŪTEA

E wātea ana ētahi takuhe pūtea mō ngā pārurenga o ngā taihara kino (tirohia te wāhanga mō ngā tāngata whakapā matua ki te mutunga o te pukameka nei).

- E oti i ēnei takuhe te āwhina i ngā utu whakarite i ētahi o ngā pānga o te taihara. He paearu āheitanga mō ia takuhe, ā, he tepenga mōrahi hoki.
- Waea atu ki Manaaki Tāngata ki 0800 842 846, toro rānei ki victimsinfo.govt.nz ki te rapu mōhio ake.

I te kōti

Ko te tikanga he maha ngā tūnga a te whakatuaki ki te kōti (te tangata e whakapaetia ana kua taihara) hei tauira, ki te whakapuaki he hara tōna, he kore hara rānei, kia tirohia rānei e te kaiwhakawā ngā taunakitanga o te kēhi. Ko te tikanga kāore koe e herea ki ēnei whakawātanga katoa, heoi, me he tōmina tōu, e oti i a koe te haere. Kāore koe e herea ki te tae atu ki te kōti mō te whakawātanga whakawhiu.

Mēnā ka whakapuaki te whakatuaki kua hara ia, ka whakawhiua ia i taua rā tonu, ka whakatauhia rānei he rā mō te whakawātanga whiu.

Mēnā ka whakapuaki te whakatuaki kāore ia i hara, ka whakawāhia te kēhi. Kei te āhua tonu o te momo kēhi me te momo kōti ka whakawātia, mā tētahi kaiwhiu pirihimana, tētahi kaiwhiu Karauna rānei e tuku i te kēhi ki te kōti.

Nā te mea ka pā ngā toihara ki te hapori whānui, ka mahi te kaiwhiu mā te kāwanatanga, ā, kei a ia te kawenga mō te hāmene kēhi mō te Karauna, ngā Pirihimana me te iwi whānui.

Tērā pea ka hiahiatia kia tū koe hei kaiwhakaatu mō te Karauna hei āwhina ki te hāpono i te kēhi ki te whakatuaki (tirohia “Te tū hei kaiwhakaatu” ki raro nei).

Ka roa, ka matatini hoki ngā kēhi kōti. E kore e pēnā i te pouaka whakaata. He tokomaha ngā tāngata kei roto, ka mutu he rerekē te reo i ētahi wā. E oti i a koe te kōrero ki tō kaitohutohu pāpurenga kōti, te pirihimana whakahaere i tō kēhi, tō ake kaimahi tautoko whaiaro rānei me he mea e kore koe i tino mārāma ana.

TAUTOKO Ā-REO, Ā-HAUĀ RĀNEI

Me kōrero atu koe ki tō kaitohutohu pāpurenga kōti, tō pirihimana takawaenga pāpurenga, tō kaimahi tautoko whaiaro rānei mēnā e hiahia ana koe ki ngā momo āwhina āheinga hauā, whakamāori reo rānei i roto i te kōti.

TŌ HAUMARU KI TE KŌTI

He mea nui tō haumaruru. Mēnā kei te āwangawanga koe i tō haumaruru ki te kōti, tēnā, kōrero ki tētahi pirihimana, tētahi kaiwhakahaumaruru o te kōti, whakamōhiotia atu tō kaitohutohu pāpurenga rānei ā mua i tō taenga ki te kōti.

KAITOHUTOHU PĀPURENGA KŌTI

Ina tū tuatahi te whakapaenga ki te kōti, ka whakapā atu tētahi kaitohutohu pāpurenga kōti ki a koe. Nāna ake te mahi ki te whakamōhio haere ki a koe mō te ahunga o tō kēhi, ā, me te āwhina i a koe mā roto o te hātepe kōti. Ka taea ano e ia te kōrero atu ki a koe me haere koe ki hea tiki tautoko ā-ngākau, ā-pūtea hoki.

Kei reira anō te kaitohutohu pāpurenga kōti, te pirihimana whakahaere i tō kēhi, tō kaimahi tautoko rānei ki te whakamārāma ki a koe ngā mea kāore koe i te mārāma.

Kia mōhio ake, toro atu ki victimsinfo.govt.nz. Ka taea e koe te whakapā hāngai atu ki tō kaitohutohu pāpurenga kōti, mā te Waea Mōhio Pāpurenga rānei ki 0800 650 654.

Te noho hei kaiwhakaatu

I te wā o te whakawātanga, tērā pea ka karangahia koutou me ētahi o tō whānau hei kaiwhakaatu. He āhuetanga ahoetea pea te tū hei kaiwhakaatu. Ka taea e tō kaiwhiu me tō kaitohutohu pāpurenga kōti te whakamārāma i ngā āhuetanga, me ngā mea hei tūpono māu. Ka taea hoki e koe te kimi āwhina mai i te pirihimana whakahaere i tō kēhi.

I MUA I TE KŌTI

Ka kōrero atu te pirihimana takawaenga, te kaitohutohu pāpurenga kōti rānei ki a koe mō te wā me te wāhi me tae koe ki te kōti. Ka tukuna hoki tētahi pānui whaimana ki a koe ki tō kainga.

Ka kōrero atu te kaiwhiu ki a koe mō te wāhi ki a koe hei kaiwhakaatu. Ka taea anō e koe te tono ki te toro tōmua i te rūma kōti. Kōrero atu ki tō kaitohutohu pāpurenga tūkinotanga taitōkai, te āpiha pirihimana whakahaere i tō kēhi, tētahi kaimahi tautoko rānei.

Waihoki, whākina atu ki tō kaitohutohu pāpurenga kōti, te pirihimana whakahaere rānei mēnā kei te hiahia koe kia whakaritea:

- he tangata ki te tūtaki i a koe ki te kōti, i waho rānei
- he kaitautoko hei noho i tō taha i a koe ina tuku taunakitanga.

I TE KŌTI

Ka uia koe mō ngā mahi me ngā āhuetanga i pā mai ai, mō ō mōhio rānei ki ngā āhuetanga o te taihara.

I a koe e tuku taunakitanga ana, i te nuinga o te wā, ka taea e koe te kite i te whakatuaki.

I roto i te nuinga o ngā kōti, he wāhi tatari motuhake mō te hunga kaitaunaki, engari ka kitea tonutia pea e koe te whānau me ngā hoa o te whakapaenga huri taiāwhio i te kōti.

He mea nui kia kimihia tautoko e koe hei kaitaunaki i mua i te rā kōti, me taua rā tonu. Me kōrero koe ki tō kaitohutohu pāpurenga kōti, kaimahi tautoko rānei mō te tiki tautoko e tika ana mōu.

Te whakataunga me te whiu

I mutunga o te kēhi, ka whakatau te rōpū whakawā (mō tētahi whakawātanga rōpū whakawā), te kaiwhakawā rānei (ina kāore he rōpū whakawā) mō te hara, harakore rānei o te whakatuaki. I ētahi kēhi, pēnei i ērā e kore e taea e te rōpū whakawā te whakaae tahi ki tētahi whakataunga, ka tū anō tētahi whakawā.

Ina whakatauhia he harakore te whakatuaki, ka wātea ia ki te haere. Tērā pea ka tūmeke koe i tēnei, ka hiahia ki te kōrero anō ki tō kaitohutohu pāpurenga kōti, tō kaimahi tautoko rānei.

Mēnā ka kitea kua hara te tangata, ka whakawhiu pea i taua rā tonu, ka whakatauhia he rā ā muri mai rānei mō tana whiu.

TE KAUPAPA WHAKAHŌRITE

Ko te hui paremata whakahaumanu he hui whakahaere ōpaki i waenga i te pāpurenga, te tangata hara, ngā kaitautoko, me ētahi atu tāngata e whakaaehia ana, pēnei i ngā māngai hapori, kaiwhakamāori reo rānei.

Mā te manatika whakahaumanu e oti i a ngā pāpurenga te kōrero atu ki te tangata hara mō te pānga o āna mahi ki a ia, te tuku whakaaro mō te whakatika i te hara, me te tīmata ki te whakaea i ētahi o ngā pānga o te taihara.

Kia whakaaehia tō kēhi mō te manatika whakahaumanu, me whakatau kua hara te tangata, me whakapuaki rānei ia kua hara ia, ka mutu ka whakaae tahi kōrua ki te uru atu.

Kia mōhio ake, uia tō kaitohutohu pāpurenga tūkinotanga taitōkai, tirohia rānei victimsinfo.govt.nz

WHAKATAU WHIU

E herea ana te kaiwhakawā i raro i te ture kia whai whakaaro ki ngā āhuatanga maha ina whakatau whakawhiu ia ki te tangata hara, pēnei nā, he aha ngā whakawhiu o mua mō ngā taihara ōrite me ngā pūrongo mō te tangata hara.

Ki te whakaae te kaiwhakawā, ka taea e koe (e tētahi atu rānei i tohua e koe) te pānui tētahi wāhanga, te katoa rānei o tō tauāki pāpurenga i roto i te kōti i te whakawātanga whiu. Tonoa tō kaitohutohu pāpurenga kōti, tō pirihihana takawaenga rānei ki te tono ki te kaiwhakawā māu. E herea ana te kaiwhakawā ki te whai whakaaro ki tō tauāki pāpurenga ina whakawhiu ia i te tangata hara.

PAREMATA

I ētahi wā ka whakahauhia te tangata hara e te kaiwhakawā ki te utu i a koe, e kīia ana tēnei he paremata, mēnā i pākia kinohia koe, i riro atu, i tūkinohia rānei ō rawa e tēnei taihara. Waea ki te kōti i 0800 909 909 ki te whakarite i te tikanga pai e whiwhi ai koe tō paremata.

NGĀ PĪRA

He mōtika tō te kaiwhiu me te tangata hara ki te pīra i te whakataunga me te whiu. Ko te tikanga o tēnei, ka riro mā tētahi kōti matua ake e tiro tiro anō i te kēhi. Ki te pēnei, ka whakamōhiohia koe e te kaiwhiu mō te hātepe.

I muri i te kōti

Ina whakatauhia kua hara, ka whakawhiua te tangata hara. Ehara i te mea he ngāwari te whai māramatanga ki ngā whiu. E oti i a te pirihihana whakahaere, tō kaitohutohu pāpurenga kōti rānei te whakamārama ki a koe ngā tikanga o te whiunga.

TE TUKUNGA I TE WHARE HEREHERE

Ka tukuna ngā tāngata hara mai i te whare herehere i runga i te tukuhere, i te mutunga rānei o tā rātau whakawhiu. Ka tukuna pea i mua o te wā e tūmanakohia ana e koe, engari ka uru mai anō te wā i noho i rō whare herehere i mua i te whakataunga me te whakatau whiu.

Ki te mutu te whakawhiu a te tangata hara, me mātua tuku ia mai i te whare herehere. Kāore e āhei te herea tonutia a ia i rō whare herehere ina mutu tana whakawhiu.

Ka taea te tukuna te tangata hara ā mua i te mutunga o tana whiunga mēnā ka whakaaehia he tukuhere. Ka tirohia e te Poari Tukuhere ngā kēhi o te nuinga o ngā tāngata hara me te whakatau mēnā ka pā he mōreareatanga ki te hapori mēnā ka tukuna tōmuatia te tangata hara.

I te nuinga o te wā me ū ngā tāngata hara ki ētahi here whāiti ā muri i te tukunga ki te tukuhere. E whakatauhia ana ngā here e te Poari Tukuhere, e te kaiwhakawā rānei nāna te tangata hara i whakawhiu. Ka kapi pea i ēnei whakaritenga te wāhi me noho ia, ko wai te hunga ka āhei te whakapā atu, mēnā he rāhui haere pō, me ētahi atu āhuatanga tiaki i te hapori.

KA TAEA TE KŌRERO ATU KI TE POARI TUKUHARE MŌ Ō WHAKAARO MŌ TE TUKUNGA O TE TANGATA HARA

Kia kōrerotia ōu whakaaro mō te tukunga tōmua o te tangata hara, me uru koe ki Te Rēhita Whakamōhio Pāpurenga. Koia e pēnei ai kia taea e te Poari Tukuhere te whakapā atu ki a koe ina ka tūngia he whakawātanga tukuhere mā te tangata hara.

Ka taea te tuku atu ō whakaaro ki te Poari Tukuhere mā te tuhituhi, te hui ataata, ā-tinana rānei:


- **Ā-tuhi, ā-hui ataata rānei**
Me kōrero atu ki tō Poari Tukuhere.

- **Ā-tinana**

Ka hui koutou ko te Poari Tukuhere. Ka kōrero koe ki ērā tāngata anō ka kite i te tangata hara, engari ko te hui e haere ana koe kāore e tū ki te whare herehere, ā, kāore hoki te tangata hara e tae atu. E oti i a koe te mau mai kaitautoko.

Te rūma kōti

E whakaatu ana tēnei hoahoa i tētahi tauira o te takotoranga o te rūma kōti, me ngā tāngata ka kite pea koe.



1. **Te kaiwhakawā** – ko ia te rangatira o te kōti. Ka whakatau ia mēnā kei te hara te whakatuaki, ā, mēnā kei reira tētahi rōpū whakawā, ka riro mā te rōpū whakawā kē e whakatau.
2. **Te kairēhita o te kōti**, ka āwhina i te kaiwhakawā me te whakarite kei te whāia tikatia ngā hātepe o te kōti.
3. **Te rōpū whakawā**, he mea hanga ki te 12 tāngata māna te whakatau mēnā i hara te whakatuaki. Ehara i te mea he rōpū whakawā kei ia o ngā whakawā.
4. **Te kaiwhiu** – māna e whakahaere te kēhi mō te Karauna, e whakatakoto te kēhi ki te whakatuaki.
5. **Te hunga pāpāho** – he kairīpoata e pūrongo ana i te kēhi.
6. **Te rōia o te whakatuaki** ka tū hei māngai mō te whakapaenga.
7. **Te whakatuaki** – te tangata e whakapaengia ana ki te taihara.
8. **Te hunga tautiaki herehere** ka tautiaki i te tangata e whakapaengia ana.
9. **Ahurewa marea** te wāhi e noho ai te iwi whānui me te whānau o ngā pāpurenga, te wāhi noho hoki a ngā kaiwhakaatu ā muri i tā rātou tuku taunakitanga. Ina tuku taunakitanga koe, kāore tētahi nō te marea e noho ki kōnā.
10. **Kaitohutohu pāpurenga kōti** he āwhina i te kaiwhakaatu kia mārama ai ki ngā hātepe o te kōti. Kāore pea e noho i te kōti i ngā wā katoa.
11. **Kaitautoko a te kaiwhakaatu** te tangata i whakaaehia e te kaiwhakawā hei tautoko i te kaitaunaki i roto i te kōti.
12. **Te kaiwhakaatu** – he tuku taunakitanga mō ngā mahi me ngā āhuatanga i pā, mō ōna mōhio rānei mō te taihara.

Ngā tangata whakapā matua

He tautoko mōu kei ia piko o te ara, e āwhina i a koe kia whakatika i ngā pānga o te taihara.

Anei ngā taipitopito whakapā mō ētahi tino ratonga mā ngā pāpurenga me ngā tāngata e pāngia e te taihara. Ka kitea ētahi atu mōhiotia mō ngā ratonga i te Waea Mōhiotia Pāpurenga ki 0800 650 654 (24/7), ka haere rānei ki victimsinfo.govt.nz

ACC

0800 101 996 Waea Tautoko Kerēme
0800 735 566 Waea Tautoko Kerēme Pāwera (mā ngā pāpurenga tūkinotanga toitākai)
acc.co.nz

Ngā kaitohutohu pāpurenga kōti

0800 650 654 Waea Mōhiotia Pāpurenga

Te Ara Poutama Aotearoa (Department of Corrections)

04 460 3000
corrections.govt.nz

Te Poari Tukuhere (New Zealand Parole Board)

0800 PAROLE (727 653)
paroleboard.govt.nz

Te tautoko whaiaro

victimsinfo.govt.nz

Ngā Pirihimana o Aotearoa

police.govt.nz

Manaaki Tāngata

0800 VICTIM (842 846) 24/7
victimsupport.org.nz

Te Whare Whakaruruhau mō te Wahine

0800 REFUGE (733 843) 24/7
womensrefuge.org.nz

Ētahi kupu ka rangona pea i te kōti

Te utu here (bail)

Ina tukuna he tangata kua whakapaetia ki te taihara e ngā Pirihimana, me te here i runga i a ia me haere ki ngā nōhanga kōti ā tōna wā.

Kaitohutohu pāpurenga kōti

He kaimahi nō Te Tāhū o te Ture ka whakamārama i te hātepe kōti me te whakamōhio haere i ngā pāpurenga mō te kauneketanga o mō ā rātau kēhi.

Te whakatuaki

Te tangata e whakapaetia ana ki te taihara.

Te kōhurutanga

Ina kōhurutia he tangata e tētahi atu tangata.

Tangata hara

Te tangata nāna i mahi te taihara. (I mua i te mau tangetange ki te hara, e mōhiotia ana te tangata e whakapaetia ana ki te hara ko ia te 'whakatuaki'.)

Te tukuhere

Ina tukuna tētahi tangata hara i te whare herehere ki te whakamutu i tana whiunga i roto i te hapori. Me mātua whai i ētahi here whāiti.

Te Kaupapa Whakahōrite

E taea ana ngā pāpurenga mā te paremata whakahaumanu te kōrero atu ki tētahi tangata hara mō te pānga o āna mahi, te tuku whakaaro mō te whakataurite i te hara, me te tīmata ki te whakarite i ētahi o ngā pānga o te taihara. Ka karangahia he hui paremata whakahaumanu

He taihara nui

- He taihara tūkinotanga taitōkai, tētahi patunga nui.
- He taihara ko te mutunga he wharanga kino, he mate rānei.
- He taihara e noho mātakutaku tonu ana te pāpurenga mōna anō, mō te ora rānei o tōna whānau.

Te Rēhita Whakamōhio Pāpurenga

He rārangi matatapu ka whakamahia e ngā tari ture taihara hei whakamōhio haere i ngā pāpurenga mō te tangata hara, pēnei nā, kei te anga pēhea te kēhi i roto i te hātepe kōti, mēnā ka tukuna rangitahitia mai te tangata hara i te whare herehere, ā, āhea ka wātea mō te tukuhere. Rēhitahia ō taipitopito ki te pirihimana whakahaere i te kēhi.

Te tauākī pāpurenga

He kōrero mō te pānga o te taihara ki a koe. I te nuinga o te wā ka tuhia te tauākī pāpurenga, engari ka taea te whakauru whakaahua, tātuhinga, whiti rānei. Me mātua whakaaroarohia e te kaiwhakawā ina whakawhiu ia i te tangata hara. Ka taea e te pāpurenga te pānui te tauākī ki te kōti i mua tonu i te whakawhiu.